



مجلس قريبندران امقج جاي
MAJLIS PERBANDARAN AMPANG JAYA
MENARA MPAJ JALAN PANDAN UTAMA,
PANDAN INDAH, SELANGOR
55100 KUALA LUMPUR.



Telefon : 03-4296 8000 / 03-4285 7000
Faks : 03-4296 8050 / 03-4296 8060
E-mel : hotline@mpaj.gov.my

selangorku

"KEJUJURAN DAN KETEKUNAN"

Ruj. Tuan :

Ruj. Kami :

Tarikh : MPAJ.L.100-
8/1 Jld.4 (136)
10 Januari 2020

**PEMEGANG-PEMEGANG LESEN /
PEMILIK PERNIAGAAN
DALAM KAWASAN PENTADBIRAN
MAJLIS PERBANDARAN AMPANG JAYA**

Y.Bhg. Dato' / Tuan / Puan

**NOTIS MAKLUMAN DAN PEMBERITAHUAN PROGRAM:
Pemeriksaan dan Penguatkuasaan Gerai-gerai di dalam restoran yang tidak berlesen / premis establisymen makanan yang tidak berlesen / melanggar syarat-syarat kelulusan lesen selaras dengan undang-undang kecil pelesenan establisymen makanan (MPAJ) 2007**

Dengan segala hormatnya saya merujuk kepada perkara tersebut di atas.

2. Untuk makluman pihak Y.Bhg. Dato'/Tuan/Puan, Jabatan Pelesenan Majlis Perbandaran Ampang Jaya akan melaksanakan Program : **Pemeriksaan dan Penguatkuasaan Gerai-gerai di dalam restoran yang tidak berlesen / premis establisymen makanan yang tidak berlesen / melanggar syarat-syarat kelulusan lesen** selaras dengan peruntukan undang-undang yang dinyatakan di dalam Undang-Undang Kecil Pelesenan Establisymen Makanan (MPAJ) 2007 terhadap semua gerai-gerai di dalam premis restoran / establisymen makanan di dalam kawasan pentadbiran Majlis Perbandaran Ampang Jaya.

3. Sepertimana pihak Y.Bhg. Dato'/Tuan/Puan sedia maklum, berdasarkan peruntukan UUK Pelesenan Establisymen Makanan (MPAJ) 2007 setiap gerai-gerai yang di dalam premis restoran / establisymen makanan hendaklah berlesen dengan kadar RM 100.00 / unit / tahun [rujuk **Jadual Kedua, Perenggan B, 4 (a)**].

3. Pelaksanaan program ini adalah untuk memastikan semua premis establisymen makanan dan gerai-gerai berkaitan mempunyai kelulusan lesen yang sah dari pihak Majlis. Program ini akan dilaksanakan bermula pada **Januari 2020** di setiap premis establisymen makanan. Sehubungan dengan itu, Y.Bhg. Dato'/Tuan/Puan **hendaklah memastikan:**

- 3.1 Setiap **aktiviti perniagaan** yang dijalankan mempunyai lesen perniagaan yang sah dari MPAJ;
- 3.2 Setiap **gerai di dalam premis** mempunyai kelulusan lesen yang sah dari MPAJ;
- 3.3 Gerai-gerai **tidak diletakkan di kaki lima premis atau mana-mana tempat awam**; dan

- 3.4 Semua aktiviti yang dijalankan **mematuhi semua peruntukan undang-undang** di dalam Undang-Undang Kecil Pelesenan Establisymen Makanan (MPAJ) 2007 dan undang-undang bertulis lain yang terpakai di Malaysia
4. Kegagalan mematuhi arahan yang ditetapkan, Y.Bhg. Dato'/Tuan/Puan akan dikenakan tindakan penguatkuasaan:
- 4.1 **Kompaun maksimum RM 1,000.00 bagi kesalahan tidak mempunyai lesen perniagaan yang sah** mengikut undang-undang kecil yang bersesuaian;
- 4.2 **Kompaun maksimum RM 1,000.00 mengikut Undang-Undang Kecil Establisymen Makanan (MPAJ) 2007 jika: -**
- (a) **meletakkan gerai-gerai makan tanpa kelulusan lesen yang sah dari pihak Majlis;**
 - (b) **sebarang pelanggaran syarat-syarat kelulusan; dan**
 - (c) **kesalahan-kesalahan lain yang tertakluk di bawah peruntukan undang-undang kecil yang berkaitan;**
- 4.3 **Sitaan** mengikut peruntukan UUK 57 (1), Undang-Undang Kecil Establisymen Makanan (MPAJ) 2007; dan
- 4.4 **Kompaun dan sitaan** mengikut peruntukan **Seksyen 46 (1)(d), Akta Jalan Parit dan Bangunan 1974 [Akta 133]**
5. Sekiranya terdapat sebarang pertanyaan yang memerlukan penjelasan lanjut, Y.Bhg. Dato'/Tuan/Puan boleh menghubungi Jabatan Pelesenan di talian 03-4285 7344 atau email di pelesenan@mpaj.gov.my.

Segala kerjasama dari pihak Y.Bhg. Dato'/Tuan/Puan dalam mematuhi semua arahan Majlis dan menjayakan program ini adalah sangat dihargai dan didahului dengan ucapan terima kasih.

Sekian, terima kasih.

"SELANGOR MAJU BERSAMA"
"BERKHIDMAT UNTUK NEGARA"

Saya yang menjalankan amanah,

(MARLINA BINTI MOHAMAD PPC)
Pengarah
Jabatan Pelesenan
b.p Yang Dipertua
Majlis Perbandaran Ampang Jaya

9/11/2020